

A1^v

In diefem kleinen Büch
lin haftu Chriflicher Le
fer bey einander/

- I. Ein euerige rede Vuicelij
wider den misbrauch des
Reichthums.
- II. Predigt S. Bafilij Mag.
des heiligen Bifchoffs wi
der die Wucherer/ auff
den Pfalm XIII.
- III. Predigt S. Joan. Chryfo
ftomi wider die geitzigen/
dauon Matth. XIX.
- IIII. Heilige fchriffte wider den
Wucher/ aus dem grunde
verkleret durch G. Vuic.

A2^r

An Ern A. L. M. P.
EWre nehefte bit
te/ als eines befond
dern liebhaber got
tes/ vnd getrewen
fürderer Göttli
cher gerechtigkeit/ habe ich inn
keinen weg abzufchlahen gewif
fet/ wie viel mir fonft auff dem
hals gelegen/ vnd jtzt nu auch et
liche Schifmatifche hunde an
mich einigen gehetzet find/ von
welchen der Prophet Daud
Pfal. xxj. vnd der Apoftel Pau
lus Philip. cap. iij. Die lieben he
tzer wöllens fonft nicht gethan
haben/ vnd fol vntern hütling
gefpielt heiffen/ löhen doch nach
jrer brüderlichen liebe/ wils
Gott/ nichts liebers/ denn das
A ij ich

A2^v

Vorrede.

ich die lenge fur ein wild zerriffen
würde, quia mortui non re-
mordent. Nu mein Gott vnd
Herr/ der bis anher mechtiglich
geholfen/ wirt hinfurt weiter
helffen gnediglich/ fo viel hertz-
liches getrawens/ vnd noch
mehr/ thar ich noch wol haben
zu der ftercke feiner rechtē hand.
Hette ich aber/ Günftiger herr
vnd bruder/ diefe arbeit ewer
Liebe zu gefallen angewendet/
vnd kündigt bey den Reichen die-
fer welt (welche auch zum heili-
gen Chriftenthum getaufft) ein
wenig nutztes fchaffen/ zu jrem
eigen Heil vnd ewigem Troft/
es were mir von hertzen lieb.
Hiemit Chrifto Jefu vnd dem
Wort feiner Gnaden mit ew-
rem

A3^r

Vorrede.
rem gantzen Haus trewlich be-
folhen. Zu Leiptzig/ am tage
Dorothee Virg. Anno
M. D. XXXIX.
S. Paulus I. Timoth. 6.
Diuitibus huius seculi præ-
cipe &c.

A iij Vorrede

A3^v

Vorrede auff
die Wucherpredigt des
heiligen Bafilij Mag.
Göt vnser Herr
dem wir dienen
vnd dienen sollen
gebeut ernstlich
durch den Pro-
pheten Eſaia vnd
Ezechiel/ die Prediger follē kein
blat fürs maul nemen/ fondern
funde vnd laſter frey anzeigen/
vnd getroft ſtraffen/ denn diſ
iſt des hōheſten Herrn im himel
ernſtlicher vnd mehr denn Kō-
niglicher befehl. Thun wir das/
wol vnſerer feelen in jener welt/
Wo nicht/ ſo kompt aller vnwiſ-
fender/ jrrender vnd miſtheter
blut/

A4^r

Wider den Wucher

blut/ tod vnd verdammis vber
vns. Jft nu jemand ein trewer
Knecht Gottes vñ guter Haus=
halter Chrifti/ fo erhebe er feine
ftim/ ſchrey laut auff/ vnd ſcho=
ne niemands. Denn O heiliger
Heiland/ man hat Sünde vnd
Lafter zu tieff einwurtzeln laſ=
fen im Chriftenthumb/ Der
ſchutz iſt zerbrochen/ Alles gehet
vber vnd vber. Was vngöttlich/
was vnrecht/ was vnerbar/
was vnleidlich/ was vnmenſch=
lich/ ach/ was Teufeliſch iſt/ ge=
het im ſchwang/ ſchwebet em=
por/ vnd tritt alle Gottsfurcht/
Chrifti ehre/ dienft vnd tugent
erſchrecklicher weiſe vnter ſich.
Wir hörens/ erfarens/ ſehens
vñ greiffens/ das diſ HerrGott

A iij von

A4^v

Georg. Vicel.

Von himel/ allzu war/ allzu war
inn aller Chriſtenheit iſt. Oder
fol man dirs noch nach der reige
her verzelē? Wie oder wo wolt
einer anfahen/ der die graufa
men/ ſchendlichen/ ergerlichen/
vnleidlichen ſünde vñ laſter alle
gennē ſolt/ die jtzt/ ach leider jtzt
mehr denn vorhin/ vberhand
genomen/ den platz jnnhaben/
regieren vnd obfiegen vber alle
Chriſten? Würden jr aber viel
ausgenommen/ es were vns lieb/
denn wir woltens vns mit eh
ren rhūmen/ das wir in dem teil
an der lügen funden weren. An
dere vielfeltige ſünde vnd laſter
vberſchreiten wir jtzt/ welche
doch/ wenn ſie auch nur genent
werden/ gefcholten ſind. Allein
dieſe

A5^r

Wider den Wucher.

diese ftunde fol dem Herrn vnd
vns dienen/ wider den helli-
fchen vnd lieben mal verfluch-
ten Geitz/ der ein wurtzel ift al-
les vbels/ wie S. Paulus recht
fagt. Denn woher ift anders ge-
wachfen der leidige Wucher?
Wo ift fonft her entproffen der
fchedliche Vmbfchlag? Aus die-
fer Teufelswurtzel wechft noch
jmer höher der hellifch Eigen-
nutz/ der verderblich Vbernutz/
der vnerfentlich Vorkauff/ der
verdampft Zinskauff/ die ge-
zwungene vnchriftliche Vber-
fatzung vnd Schatzunge. Da-
hin ftehen folchen leuten jr finn/
darauff trachten vnd ratfchla-
hen fie jre meiften zeit/ wider
Gott vnd feine Gepot/ wider
A v die

A5^v

Georg. Vicel.

die Kyrche vnd jre Disciplin/
Thun gleich/ als würden sie
nicht auch ein mal sterben/ vnd
in der erden verfaulen/ wie die
armen (jr fleisch vnd blut von
Adam vnd Eua her) vnd den
vnfeligen Mammon hinder sich
lassen müssen/ wer weis wem?
Nu/ was wechset denn wider
umb aus der schädlichen frucht/
welche aus der wurtzel Geitz ge
nant/ widerumb wechset vnd
auffgehet? Gott/ was anders/
weder Hoffart/ Wollust/ Pra
cht/ Freude/ die im betrübnis
ausgehet? Du kanst keinen fride
haben/ deine güter seien denn ge
mehret/ durch vielfeltige Pra
ctik vnd listige anschläge. Ist nu
hiemit dein wille geschehen/ so
kanstu

A6^r

Wider den Wucher.

kanftu keinen fride haben/ das
geheuffte gut werde denn ent-
weder vnchriftlich ausgewen-
det/ oder vnbrüderlich einge-
schlossen. Vnter welchen zweien
keins gut noch löblich ift. In des
verfchmacht der arme fur hun-
ger vnd kelte/ das ia der Lazari-
ter ordē nicht zergehe. O menfch
wie biftu gefalt/ das du dich ei-
nen Chriftē nennē laffen kanft?
Gehe vnter Jüden vnd Tür-
cken/ lihe vnd erfare jre regi-
ment/ gewonheit vnd wandel/
vnd fage mir darnach/ wie viel
graden du fur jnen beffer feieft/
Oder wiltu dich zur gegenrede
ftellen? Wolan/ fo verzele vns/
woher kompt dir das gros gut?
Darnach zeige an/ wohin kompt
das

A6^v

Georg. Vicel.

daffelbig. Du verftummeft. Ein
Narr aber hetts bald gefagt
Wucher erwirbts/ Hoffart ver
zerets. Vbel gewoñ/ vbel ze
roñ/ Sünde hats bracht/ fünde
nimpts weg/ Vnd dis wehret
von iar zu iar/ bis inn deine gru
ben/ on puffe vñ befferung. Mit
welcher fchrifft/ mit welchem
fchein kanft oder wiltu hernach
fur deines Herrn Gottes Richt
ftuel verantworten/ das du des
tags fo offft gefehen haft/ das
Armut fur deiner thûr vberkrie
chen/ halb nackend in groffer kel
te/ vnd die kleinen fpenlin aus
dem kot auff lefen/ dazu die hin
geworffen böfen huddeln auf
der gaffen/ damit es fich todfrie
rens erwehre? Dagegen hat dir
Gott

A7^r

Wider den Wucher.

Gott alle kammern vnd kaften
vol kleider/ auch höfe vnd gar-
ten vol holtzes becheret/ Von
welchem allen das betrübte/
das verachte/ das verftoffen/
das elend armut nicht einen fa-
den oder ftecklin bekommen mag/
es bitte/ flehe/ klage/ weine oder
heule/ vnd ift Geben fchier ein
wunderwerck worden/ Von
parteken rede ich nicht. Dein
weib vnd kind können den vber-
flüffigen/ tewren/ vnd mehr er-
gerlichē weder herlichē fchmuck
an jrem hals kaum ertragen/
Dieweil hat der arme/ fur den
der Herr Chriftus geftorben
ift/ nicht feine fchame zu bede-
cken/ vnd begeret nur fo viel/
das er nicht fur ein thier fur dei-
ner thûr

A7^v

Georg. Vicel.

ner thür angefehen/ vñ von hun
den zerriffen werde. Du gibft
groffe summen gelds den Jobili-
ern fur edel gefteine/ gerade als
folten fie dich fur dem tod bewa-
gen/ an Gottes ftat/ dieweil
wirt das Armut (von dem du
dein geld zum teil erfchunden
vnzlicher weife gedrengt/ wel-
ches dir doch vom andern tod
besser helffen/ vnd inn die ewige
Tabernakel einnemen künde/
wenn jm das vierde teil zu gut
keme/ das die Jobilierer/ Ber-
lenkramer/ Goldkramer in grof-
fen fecken aus dem lande wegfû-
ren. Aus welchem vnnütze geld-
verluft deinem leib nichts behol-
fen/ dagegen aber deiner feelē vn-
erwiderbringlicher fchade zuge-
füget

A8^r

Wider den Wucher.

füget wirt. Weh dir/ fo ich alhie
die heiligen Schrifft wider dich
füren wolt/ Du folteft fur den
Prophetifchen vñ Apoftolifchen
donnerfchlegē weichmütig gnug
fam werden/ vnd würde kein
ausrede fchaffen/ weñ du fchon
furwenden wolteft die Spital/
gemeine kaften/ Spend etc. Wel
che dich entweder gar nichts ko
ften/ weil fie on dich vorhin ge
ftiftet find/ oder benemen dir von
deinem gut nicht den hundert
ften pfennig/ gefchweige den 3e
henden. Vnd wie wiltu fur Got
tes ftrengem gericht entfchuldi
gen/ das du die groffen hungers
not vñ allen iamer des Armuts
wol weiffest/ fonderlich in difen
fchwinden harten iaren/ da offt
einer

A8^v

Georg. Vicel.

einer oder eine mit deinē ſchwei-
nen aus dem trog effe/ gefchwei-
ge mit deinen hündlin aus der
ſchüffeln/ Dagegen hat dir Gott
alle löller vnd keller vol ſpeis vñ
getrenck beſchert/ von welchem
das Armut nerlich die rinden
vnd hefen krieget/ vnd manch
mal vngelffen zu bette gehē mus.
An einem abent kanftu verpan-
ketieren/ nicht on ſünde vnd
Gottes zorn/ ſo viel/ ein par
hausarmer leute zereten ein gan-
tzes iar dauon. Die fatten vnd
vollen ledeltu zu gaft/ den hun-
gerigen vnd dürftigen leffeltu
die thür mit der peitſchen wei-
ſen/ vnd kanft erfehen/ das fur
vnd auff deinem tiſch ſo viel gu-
tes getrencks ſchendlich ver-
ſchütt

B1^r

Wider den Wucher.

ſchütt wirt/ ein arme ſechswö-
cherin/ oder krancke verlaſſene
widwe erquicket jr vnſeliges le-
ben damit/ Da leſſeftu das gere-
te im kaſten verſchmotten/ das
korn auff dem boden verder-
ben/ das holtz im wald verfau-
len/ das fleiſch am balcken ver-
garften/ das bier im keller ver-
ſawren/ vnd deſgleichen mehr/
von folchem/ das dir verdam-
lich vmbkompt/ kündigt ſich dein
armer nachbar vnter vnd ober
deinem haus mit feinen hunge-
rigen kindlin zimlich erhaltē. Du
wilt alles haben/ vn̄ kanft doch
nicht alles verzeren/ Was gut
ift / gehöret in dich/ diſ vergün-
net dir niemand/ allein was dir
nicht ſchmeckt noch reucht/ das

B las

B1^v

Georg. Vicel.

las den armen zu teil werden/
Sie find nicht herlich/ effen wol
vber Lazarus tifch. Wer kan
den iamer gnugfam klagen/ der
jtz in landen das vnterdrückt
Armut vnauff hörlich vmbtrei-
bet? Vmb die wenigen pfenni-
gen/ die einem mit arbeit fawer
worden/ kan er das liebe brodt
kaum bekommen/ gefchweige et-
was dazu/ Welche not du nicht
füleft/ dein kûche weis von kei-
ner tewrung/ dein teglichs braf-
fen/ dein kôftlichs kleiden/ dein
mutwilliges fchlittefaren/ dein
vppigs Mummelchantzen/ dein
fûndliches bulen nimpt drumb
nicht einer erbes gros abe. Jfts
anders nicht/ das die gemeine
landtewrung deines guts ge-
mehung

B2^r

Wider den Wucher.

mehrunge erfunden/ vnd das be-
trübnis so vieler taufent men-
schen/ für deine freude erkant
werde. Wo ifts Euangelion?
Wo ift liebe? Wo find die werck
der barmhertzigkeit? Gedencke-
ftu auch diefe welt zu verlaffen?
Gleubeftu auch/ das ein Gott
fey/ der da höre/ fehe vnd wiffe/
wie du dein zeitlichs leben/ auff
diefer vergenglichen welt so vn-
menfchlich füreft? Verzagē mus
manch elend menfch/ für vber-
trefflichem hunger vnd kumer/
fonderlich in diefer fchwerē zeit/
da auch die reichen fchier hun-
gers fterben wöllen. Manches
wirt verurfacht zur vbelthat/
welcher vbelthaten es nie wil-
lens gewefen/ Da wirt mauch

B ij fein

B2^v

Georg. Vicel.

fein kind groffes armuts halben
verfeumet/ bleibet vngezogen/
wirt wider zum betler/ daraus
villeicht etwas tūglichs hette
werden mögen/ welchs sonft da
hin gehet/ wie ein vihe/ das we-
der von Chriſto/ Glaube oder
Taufe ein wort weis oder ler-
net. Etliche ſprechen/ man fol
den betlern geben/ das ſie betler
bleiben. Solchen were zu ant-
worten/ So wirt dir Gott das
ewige fewr geben/ das du ein
hellebrand bleibet/ Biſt nicht
werdt/ das dich ein armer vmb
ein ftück brodts bitte/ Die zeit
kan aber komen/ das du gern
gantze gülden ausſpenden wol-
teſt/ wenn du kündet/ vnd es
jemand von dir nemen wolt.

Aber

B3^r

Wider den Wucher.

Aber mit durchgeitzten wucher^s
fecken vnd kratzenden Bawrteu
feln ift nicht zu reden/ Sie fol^s
len jren willen haben/ vnd nach
jres hertzen luft leben/ fo lang es
wehret. Hernach wirt man an^s
dere mehre hõren/ Gleuben fie
es nicht/ fo gefchichts doch/ fo
war Gott Gott ift. Du ver^s
fchmechts Armut/ dein Gott
vnd Herr wirt dich bey jm eh^s
ren/ deinen hunger/ blõffe vnd
gaffenlager kan vnd wirt er dir
gnug vergelten/ Habe nur ge^s
dult/ vñ bleib in Gottes furcht.
Wollen fo mehr S. Bafilij vnd
Chryfoft. predig hieuoñ hõren/
welche es beffer künden/ deñ ich/
vnd find die leut/ den ehe zu gleu
ben ift/ weder vnfern Pomeran
B iij tzenpre^s

B3^v

Georg. Vicel.

tzenpredigern. Hoffe beide Basi-
lius/ Chryfoftomus vñ ich wol-
len vmb die Gotfürchtigen Rei-
chen groffen danck verdienen/
fintemal fie eben fo gern felig zu
werden begeren/ als die lieben
Armen.

Von der Translation die-
fes Sermons.

DJfen Sermon des hoch
wirdigen Vaters/ vnd
heiligē Epifchoffs Ba-
filij habe ich das mehre teil nach
der Latinifchen dolmetfchung
gedeudfchet/ damit ich defte ehe
dauon keme/ doch nicht wort
nach wort/ fondern habe mich
des finns oder verftands der
wort

B4^r

Wider den Wucher.

wort zuforderft gefliffen/ vnd
hie S. Hieronymo gefolget/ da
er dolmetfchen leret. Wil auch
niemand bergen/ das ichs vnter
weilen paraphraftice vnd meta-
phraftice mache/ auff das es de-
fte lieblicher zu lefen/ vnd leicht-
licher zu verftehen fey/ zuuor de-
nen/ die mich zu diefem Bruder-
dienft freundlich bewegt. So
frey wolt ich nicht gern inn der
heiligen Bibel erdurch gehen/
denn da ift etwas mehr an gele-
gen/ vnd hat groffe fahr auff
fich. Gern wolt ich/ weñ etwas
zu erwünfchen were/ das ein bef-
fer Latinifcher Dolmetfche vber
S. Bafilij edle fchrifftten keme/
Weder diefer Raphael Volater-
vanus. Jft Origen. Gregor. Na-
B iij 3ian3.

B4^v

Georg. Vicel.

zianz. Chryloft. Theophyl. Cyrill. sampt andern Griechifchen Theolog. nicht gewiffer ins Latein bracht/ fo find wir vngelernten ſchuler hiemit nicht gar wol verforget. Denn fo viel kan ich dennoch im tunckeln ſehen/ das Volaterranus vnfleiffig/ vnd weis nicht was mehr/ gewefen iſt alhie im Bafilio/ fonderlich da er etwas vom Text auslefft/ nicht allein zwey oder drey wort/ fondern zwey oder drey zeile/ Als da er den gantzen ort vom Hypochalco Chryleo vbergangen hat/ es were denn dieſe ſchuld auff den Pariſifchen buchdrucker zu ſchieben/ Wil vom halben ſpruch Prouer. xxij. vnd anderm nicht melden/ wie ich auch

B5^r

Wider den Wucher.

auch zu dem ſchweige/ das er
Textsweife von jm felbs hinzu
gefetzt hat. Jedoch habe ich jm
dis mal gegleubt/ fürchte allzu
viel/ Ein ander mal wil ich mich
auff frembde augen nicht mehr
verlaſſen. Gott gebe nur gnade/
das dieſe ſcharffe ſtraffrede des
fromen Epifchoffs Bafilij bey
vnfern leutē nutz ſchaffe/ wie ſie
zu jener zeit zu Cefarea Cappa
docie vnd allenthalben inn den
Griechiſchen kyrchen vnter den
welt oder viel mehr geldlieben
den kalten Chriſten on zweifel
gefchafft hat. Wer nicht wil/
das mans jm predigen ſol/ der
leſe es felbs allhie oder wo er
wil/ vnd laſſe es jm fein hertz
durchſchneiden/ zu puffe/ wiſſe

B v fend

B5^v

Georg. Vicel.

fend vnd gleubend/ das Gott
des Sünders tod nicht begert/
fondern das er sich bekere vnd
lebe/ wie er felbs durch den Pro
pheten zu vns allen redet.
Vnrecht gethan haben/
schadet dem nicht/ der
hinfurt recht thut.
Got erbarm sich
vnfer aller/
Amen.
XXII. Januarij.
Anno
M. D. XXXIX.